



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0024514 23
Sarajevo, 08.01.2025.godine

SUD BOSNE I HERCEGOVINE
- Sudiji za prethodno saslušanje –
S A R A J E V O

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

O P T U Ź N I C U

PROTIV:

MIODRAG SAVIĆ zvani „Mijo“,

rođen

2000. godine u Zvorniku,
državljanin BiH,

Što je:

Dana 05.09.2023.godine, oko 22,30 sati u mjestu Čelopek, općina Zvornik, u sektoru A2, na graničnoj liniji BiH i RH, radi sticanja protivpravne imovinske koristi, nezakonito preveo dva strana državljana Bangladeša preko državne granice, čamcem preko rijeke Drine, na način kojim se ugrožava život, zdravlje ili sigurnost krijumčarenih lica, na mjestu koje nije predviđeno za prelazak državne granice, postupajući protivno članu 6. Protokola protiv krijumčarenja migranata, kopnenim, morskim i vazдушnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“ broj: 3/02) i članu 7. stav 2. Zakona o Graničnoj kontroli („Službeni glasnik BiH“ broj: 53/09, 54/10 i 47/14) tako što je došao do lokacije na obali rijeke Drine gdje se nalazio

privezan drveni čamac na vanbrodski pogon, ukrcao se u čamac i prevezao do obale na teritoriji Republike Srbije gdje je u čamac preuzeo dva lica strana državljana Bangladeša [REDACTED], te ih prevezao preko državne granice rijekom Drinom na teritorij BiH, svjestan da im na taj način ugrožava život, zdravlje ili sigurnost, te da im u slučaju prevrtanja prijete opasnost od utopljanje u rijeci Drini, da bi nakon pristajanja, svi izašli iz čamca, a nakon čega su bili otkriveni od strane policijskih službenika Granične policije JGP Zvornik i Državne agencije za istrage i zaštitu, koji su taj dan vršili nadzor nad državnom granicom u blizini rijeke Drine i upotrebom termovizijskih kamera posmatrali nezakonito prevođenje preko državne granice osumnjičenog i dva strana državljana Bangladeša, pri čemu je osumnjičeni nakon otkrivanja od strane policijskih službenika, pokušao da pobjegne, ali je isti onemogućen u pokušaju bijega i lišen slobode od strane policijskih službenika granične policije BiH.

Dakle, radi pribavljanja imovinske koristi, preko državne granice upotrebom čamca na način kojim se ugrožava život, zdravlje ili sigurnost krijumčarenih lica, nezakonito preveo dva lica strana državljana.

Čime je počinio krivično djelo Krijumčarenje ljudi iz člana 189. stav 3. u vezi sa stavom 1. KZ BiH.

TUŽILAC
TUŽILAŠTVA/TUŽITELJSTVA BiH